

# Хургт кегдсн белдвр

Хальмг АССР-н эрдм-суртбулин министр үр В. М. Шаратов, багшнрин 1-ч хургт белдвр кегдджэхин тускар мана корреспондентин сурсн сурврт иигдж хэрү өгв:

— Ноябрин 20-д, Элст балгьснд мана республикин багшнрин 1-ч хург болхмн. Эн хургт кесн белдврэн тгтсквдн. Эн хургт цуг райодас болн балгьснас дамшлтта 250 сән багшнр ирдж орлцхмн. Селәнә эдл-ахун болн промьшленн предприятисн гардачнриг бас наар гиджәнәвдн.

Хург деер нөг төр күүндгдхмн. «Олн-дундин медрл өггч политехническ күч-көлснә школ өдгә цагин коммунистическ тосхлтд болн багшнрин өмн бәәх төрмүд». Багшнр эн

төрәр школин залгълдаг олна джиргъл-бәәдллә болн күч-көлснлә нийцүллгнә шин эв-аргын тускар, сургьульчарт гүн медрл болн чик коммунистическ сургьмдж өгхин тускар күүндвр кехмн.

Багшнрин хургт нерәддж мана республикин багшнрин медрл өөдлүллгнә институтин гардврар кегдджәх «Школ болн джиргъл-бәәдл» гидг ик гәәхүл кино-театрин бичкн залд гархмн. Тер гәәхүлд сургьульчнрин гарин эрдмин олн-зүсн көдлмш үзүлгдхмн.

Цааранднь үр Шаратов хургт орлцх улст ямаран культури тетквр белддж бәәхин тускар келв.